

## ইসলামী আক্বীদার পরিচয় ও মূল উৎস

ইসলামী আক্বিদাহ্ হচ্ছে ইসলামকে আল্লাহ্র মনোনীত দীন হিসেবে মেনে নিয়ে ঈমানের মৌলিক বিষয়গুলোর প্রতি বিশ্বাস স্থাপন করা।

যেমন-আল্লাহকে একমাত্র রব হিসেবে বিশ্বাস করা, তাঁর একক ক্ষমতা ও সার্বভৌমত্বকে বিশ্বাস করা। আল্লাহ্ তা'আলা মানুষের হিদায়াতের জন্য অনেক নাবী-রাসূল পাঠিয়েছেন, আসমানী কিতাব নাযিল করেছেন, ফেরেশতারা আল্লাহ্র নির্দেশে বিভিন্ন কাজ সম্পাদন করে, পৃথিবী ধ্বংস হয়ে যাবে, আখিরাত সংঘটিত হবে, পৃথিবীতে মানুষ যা করছে তাঁর হিসাব নেয়া হবে, যারা আল্লাহকে বিশ্বাস করে ভালো কাজ করেছে তাদেরকে জান্নাত এবং যারা অপরাধ করেছে তাদেরকে জাহান্নামে প্রবেশ করানো হবে- এ সকল বিষয়ের প্রতি বিশ্বাস স্থাপন করা।

### ঈমানের মৌলিক বিষয় ছয়টি:

- ১। আল্লাহ্ তা'আলার প্রতি বিশ্বাস স্থাপন করা।
- ২। নাবী-রাসূলগণের প্রতি বিশ্বাস স্থাপন করা।
- ৩। আসমানী কিতাব সমূহের প্রতি বিশ্বাস স্থাপন করা।
- ৪। ফেরেশতাদের প্রতি বিশ্বাস স্থাপন করা।
- ৫। আখিরাতের প্রতি বিশ্বাস স্থাপন করা।
- ৬। তাকদীর বা ভাগ্যের ভালো-মন্দের প্রতি বিশ্বাস স্থাপন করা।

এছাড়া আমাদের নাবী মুহাম্মাদ সাঃ আল্লাহ্ তা'আলার পক্ষ হতে যে বিধান নিয়ে এসেছেন সেগুলো মনে প্রানে বিশ্বাস স্থাপন করার নামই ইসলামী 'আক্বিদাহ্।

### ইসলামী আক্বীদার মূল উৎস:

ইসলামী আক্বিদার অধিকাংশ বিষয় গায়েব বা অদৃশ্যের সাথে সম্পৃক্ত। আর অদৃশ্যের বিষয়গুলো একমাত্র আল্লাহ্ তা'আলাই নির্ভুলভাবে জানেন।

সুতরাং আল্লাহ্ তা'আলা পক্ষ হতে আসা আল কুরআন এবং সহীহ হাদীসই ইসলামী আক্বিদার মূল উৎস।